

7228

Ա Զ Մ Լ

ՀԱՄԱՅՆ ԿՈՒՍԱԿՑԱԿԱՆ

ԵՒ

ՈՉ ԿՈՒՍԱԿՑԱԿԱՆ ԱԶԳԱՅԻՆՆԵՐՈՒ

Ա Տ Ե Փ Ա Ն Գ Ա Ռ Ո Ւ Ե Ա Ն

Տեօլէն Քաղաքական Գործոց Արդարութեան նախարարութեան

329 · 14
9 - 34

Կ. ՊՈԼԻՍ
ՏՐՈՒԹԻՒՆ Յ. ՄԱԹԱՎԵՈՒՆԵԱՆ

1910

Printed in Turkey

329.14
9-34

ԿՈՉ ՄԸ

16
Ա.Բ.

ՀԱՄԱՅՆ ԿՈՒՍԱԿՑԱԿԱՆ

ԵՒ

ՈՉ ԿՈՒՍԱԿՑԱԿԱՆ ԱԶԳԱՅԻՆՆԵՐՈՒԻ

Ս Տ Ե Փ Ս . Ն Դ Ա . Ր Ա . Ե Ա . Ն

Տնօրին Քաղաքական Գործոց Արդարութեան նախարարութեան

Տ 2001



Կ. ՊՈԼԻՍ

ՏՊԱԳՐՈՒԹԻՒՆ Յ. ՄԱԹԵՏԻԿՈՍԻԱՆ

1910

2010

Համայն Կուսակցական
Եւ
Ոչ կուսակցական Ազգայիններու
Անկեղծ Կոչ մը

(Այս կոչն ուղղուած է անխսիր ամեն ազգայիններու։
Թախանազին կ'աղացեմ որ ազնուութիւնն ունենան ոչի
ուշով եւ ծայրէ ի ծայր կարդալու՝ զեր մի եւ երկ կարելի
է երկու անգամ։ Մասնաւրապէս կը խնդրեմ մեր խմբա-
գիրներէն եւ հասպարակագիրներէն որ հաճին հասպարա-
կաւ եւ ամենայն անաշուութեամբ նմադատել այն կոյին
մէջ յայտնուած գաղափարները, մանաւանդ մի առ մի յայտնել
Ազգային ընդհանուր ծրագրի ուրուագիծին նկատմամբ
իրենց պաշշամ դատած դիտուութիւնները եւ բարեկիխու-
րիւնները, որպէսզի կարելի ըլլայ կատարեալ Ազգային
ծրագիր մը պատրաստել ընդհանուր համաձայնութեամբ,
եւ իւրաքանչիւր խոմք՝ մի միայն այն ծրագրին անկեղծ
եւ անքերի գործադրութեան վեհ նպատակին շուրջ մէկ իր
օրինաւոր եւ կենսաւէս պայմանը։)



1 9989 /
39

78244 - սե

1369-87

Օսմանեան սահմանադրութիւնը վերահաստատող իրա-
տէին յառաջ բերած աննկարագրելի խանդավառութեան և
հանդէմներու օրերն ամյնմէ վերջ՝ աննախընթաց պատ-
մական դէպքերու բնական բերմամբ, Հայ Ազգին առջև
ցցուեցան երկու ամենափախուկ և ամենածանր խնդիրներ։

առաջին թէ՝ Յեղափոխական կուսակցութիւնք օգտակար եղան Հայ Ազգին թէ աղետաբեր . Երկրորդ թէ՝ Յեղափոխական կուսակցութիւնք սահմանադրական ժողովներու մէջ պէտք է ներկայացուցիչ ունենան թէ ոչ . ուրիշ բառով , Յեղափոխականք և Ընկերվարականք աղջային գործերու մասնակցերու են պաշտօնապէս թէ ոչ :

Առաջին խնդրոյն բարդ և ծանրակշիռ հանգամանքն եւ այս մասին տիրող ցիրուցան և տարտամ կարծեաց զանազանութիւնը և ահապին տարբերութիւնը նկատողութեան առնելով , Ազգը մեծ հեռատեսութեամբ , մեծ իմաստութեամբ նախամեծար սեւծեց սոյն հրատապ խնդրոյն լուծումը պատմութեան անաչառ դատողութեան ձգել : Երկրորդ խնդրը լուծեց ի նպաստ կուսակցականաց , թէ Ընդհանուր և թէ Քաղաքական ժողովի անդամ ընտրությունի յայտնի կուսակցականներ :

Այս նկատմամբ կատարելապէս համամիտ էի Ազգին հետ , Արդարե համեմատական պատգամաւորութեան (représentation proportionnelle) տիեզերաբար գնահատուած սկզբունքի համաձայն՝ լաւագոյն էր անկասկած կուսակցականներուն առիթ և հնարաւորութիւն տալ իրենց պահանջներն և գանգատներն որինաւորապէս լսելի ընելու ազգային ժողովներու և խորհուրդներու մէջ , քան ստիպել զանոնք կամ անոնց առիթ հայթայթել դուրսկն պայքարելու . Ազգային իշխանութեանց դէմ հակասահմանադրական բոնի միջոցներով : Քաղաքականութեան հիմնական մէկ օրէնքն է թէ՝ Ազգի մը կամ Պետութեան մը հանրային գործերը վարող պետերը պարտական են ընդունելու և գործադրելու ոչ այն նպաստակները և միջոցները որոնք տեսականօրէն ամենէն բանաւորներն են , այլ անոնք՝ որ միանգամայն իրավանալի են : Շատ անգամ ստիպուած են հրաժարելու անիրականակի լաւագոյնէն և գոհանալու իրականակի լաւով . մինչեւ իսկ , ի պահանջել հար-

կին , անիրականակի լաւէն ալ հրաժարելով՝ չարեաց վորքագոյնով բաւականանալ կը հարկադրուին :

Ահա այս նկատողութեամբ և Ծնդհանուր ժողովոյ կամքին և իմ անձնական համոզմանս համաձայն վարուելու նպատակաւ էր միայն՝ որ մի ամբողջ տարի իրը Քաղաքական ժողովոյ ատենապետ , անլուր դժուարութեանց դէմ դնելով՝ ջանացի կուսակցականաց և ոչ - կուսակցականաց մէջ գոնէ խզում յառաջ չբերելու չափ համերաշխութիւն պահելու , առանց սակայն ո՛ և է խնդրոյ լուծումն կուսակցութեանց մասնաւոր շահուց հապատակեցնելու : Արդարութեան նուիրական պարտականութիւնն մը կը համարիմ հրազարակաւ և անկեղծօրէն յայտարարելու թէ մեր երկու կուսակցական ընկերներն՝ Շահրիկեան և Պօյածեան էֆէնտիներն երբէք վարչութեան մէջ կուսակցական յեան նպատակներով չուղեցին շահագործել Ազգին կողմանէ իրենց ուղղամտութեան յանձնուած նուիրական պաշտօնը :

Բայց աւազ որ մեր վարչութեան միամեաց շրջանին վերջերը՝ 1. Քաղաքական ժողովոյ անդամներէն և Դաշնակցական կուսակցութեան պետերէն Շահրիկեան էֆէնտիի ազգային գործոց քաջ հմտութիւնը , բայցարձակ անշահամարտութիւնը և տարօրինակ աշխատասիրութիւնը զուգակշռող ծայրայնօրէն պահանջկոտ , խրոխաւ յամառ նկարագիրը՝ որ վինքը մղած էր մէկմէկու ետեւէ բուռն յարձակումներ և ծանր ամբաստանութիւններ ընկելու մէկէ աւելի երեափոխան և ոչ երեափոխան ազգայիններու հասցէին . 2. Ազատամարտ լրազրի հրատարակութիւնն և իրեն յատուկ ուղղութիւնը . 3. Դաշնակցական կուսակցութեան իթթիհատ վէ Թէրագգը գոմիթէի հետ կնքած համաձայնութիւնը . 4. Այլ մասնաւանդ տեսակ տեսակ հոգերանական նկատողութիւններ գորս նախամեծար կը սեպեմ լրութեամբ անցնիլ կիրքերը

չգրգռելու համար, այս ամէն զանազան պատճառները նոր հոսանք մը, նոր աղանդ մը ստեղծած էին Ազգային Ընդհանուր ժողովն ներս և դուրս, աղանդ մը՝ որուն բանն հաւատոց էր «Կուսակցականները Վարչութենէն դուրս»։ Բայց ինչ որ աւելի ցաւալի է, այս նոր հոսանքն ծնունդ տուող խակական պատճառները քօղարկելու պէտք գգալով, ապացուցանելու ձեռնարկուներ եղանի թէ Վարչութիւնը Դաշնակցական Կուսակցութեան աղեցութեան տակ կորոցէ և կը վարէ ամէն ինչ, և իբր փաստ յառաջ բերին նախ Աղթամարայ իմադիրը՝ որ երեք շաբաթուան պէս երկար միջոցի մը մէջ վերջնականապէս լուծուած չէր, երկրորդ՝ Եօնանէսքուի բառարանի նկատմամբ դաշնակցական Բասմաջեանի հետ կնքուած աղբավասարագրութիւնը. երրորդ՝ Պատրիարքի հրաժարականը։ (Աղթամարայ իմադիրը մինչև հմայ, այսինքն ամբողջ տարիէ մ'ի վեր դեռ իր վերջնական լուծումն ստացած չէ։ Եօնանէսքուի բառարանի իմադրոյն էութիւնը շատ լաւ պիտի հասկցուի երբ այդ մասին իմ կողմանէ պատրաստուած և Ս. Պատրիարքի յանձնուած ընդարձակ տեղեկագրին Ընդհանուր ժողովոյ մէջ ընթերցման կարգը դայ։ Գալով Պատրիարքի հրաժարականին, այն համոզումն ունիմ միշտ որ եթէ Ս. Պատրիարքը հրաժարած չըլլար, գոնէ տասը քսան հայ եւս պիտի կախուէին անվրէպ Այս մասին աւելի համոզիչ հրապարակային բացատրութիւններ տալ անօգուտ կը համարիմ։)

Այս նոր աղանդին նուիրագործման իբր սկզբնաւորութիւն՝ Ազգային ժողովն որոշեց որ կառավարութեան հետ Ասանայի վերաբերեալ բանակցութիւնք միայն կրօնական ժողովոյ երկու անդամներէ, Բլւզանդ Քէշեան էֆէնտիէ և ինձմէ բաղկացեալ քառանդամ Յանձնախումբի մը յանձնուի։ Նկատելով որ ՚ի սկզբան Ազգային ժողովն շատ մնձ իմաստութեան գործ մ'ըրած էր վար-

չութեան մէջ կուսակցութեանց ներկայացուցիչներ ընտրելով, նկատելով որ փորձը հաստատած էր այն հաւատքո թէ մինչև իսկ եթէ կուսակցականաց դէմ պայքար մղել պէտք ըլլար, նախամեծար էր ներսէն պայքարի քան դուրսէն, նկատելով որ Ազգային ժողովոյ որոշումը ըստ իմ կարծեաց հակասահմանադրական էր և պարզապէս Քաղաքական ժողովոյ հաւաքական մարմնոյն դէմ անվատական բացորոշ արտայայտութիւն, (թէպէտ իմ անձիս նկատմամբ պատուաբեր և իմ կողմանէ չնորհակալութեան արժանի վստահութեան ապացոյց), պարտք համարեցի իսկոյն հրաժարիլ վերցիշեալ մասնախումքի մասնակցութենէն, ինչպէս հրաժարած էր Քէշեան էֆէնտի իրեն յատուկ նկատողութիւններով։ Ասով ալ չորհանալով, հաւատարիմ մնալու համար իմ վերոյիշեալ նկատողութեանց, Քաղաքական ժողովոյ հրաժարականին Ազգային ժողովոյ կողմանէ ընդունուելին վերջ, ամենայն անկեղծութեամբ յայտարարեցի Ազգային ժողովոյ թէ կազմուելիք Վարչութեան մէջ պաշտօն ընդունիլ անկարելի է ինձ։ Այդ օրէն՝ մամուլը նախորդ հրաժարեալ Վարչութիւնը մկրտեց Տապաշեալ Գարանան Շանդիկեան Վարչութիւն անուամբ։

Այս նոր աղանդի արդիւնք եղող գէպքերէն բաւ է միայն յիշել Ազգին ամենայաւելի մէկ ճշնաժամուն՝ ամիսներ տեսող անիշխանութիւնն և յարաբերական կենսական իմադրոց յատաձգումը, — նոր Վարչութեան Ատենապետի և մի քանի անդամոց հրաժարականը, — ամեն կողմ կուսակցականաց և ոչ կուսակցականաց մէջ անողոք և գայթակղալից պայքար, — քանակոծում խմբագիրներու, — արիւնահեղութիւն իղմիրի մէջ, — յարձակում Վարչութեան Ատենապետի վրայ ։ Վերջ ի վերջոյ Քաղաքական ժողովոյ և Ս. Պատրիարքի պատճառաբարեալ հրաժարականք։

Հայ Ազգը ոչ միայն իր տոհմային տարեգրութեանց,

չգրգռելու համար, այս ամէն զանազան պատճառները նոր հոսանք մը, նոր աղանդ մը ստեղծած էին Ազգային Ընդհանուր Ժողովն ներս և դուրս, աղանդ մը՝ որուն բանն հաւատոյ էր «Կուսակցականները Վարչութենէն դուրս»։ Բայց ինչ որ աւելի ցաւալի է, այս նոր հոսանքին ծնունդ տուող խկական պատճառները քօղարկելու պէտք գգալով, ապացուցաներու ձեռնարկողներ եղան թէ՝ Վարչութենը Դաշնակցական Կուսակցութեան ազդեցութեան տակ կորոցէ և կը վարէ ամէն ինչ, և իբր փաստ յառաջ բերին նախ Աղթամարայ ինսդիրը՝ որ երեք շաբաթուան պէս երկար միջոցի մը մէջ վերջնականապէս լուծուած չէր, երկրորդ՝ Եօնանէսքուի բառարանի նկատմամբ դաշնակցական Բասմաջեանի հետ կնքուած ազգավասար կարգադրութիւնը։ Երրորդ՝ Պատրիարքի հրաժարականը։ (Աղթամարայ ինսդիրը մինչև հմայ, այսինքն ամբողջ տարիէ մ'ի վեր դեռ իր վերջնական լուծումն ստացած չէ։ Եօնանէսքուի բառարանի ինսդրոյն էութիւնը շատ լաւ պիտի հասկցուի երբ այդ մասին իմ կողմանէ պատրաստուած և Ս. Պատրիարքի յանձնուած ընդարձակ տեղեկագրին Ընդհանուր Ժողովով մէջ ընթերցման կարգը դայ։ Գալով Պատրիարքի հրաժարականին, այն համոզումն ունիմ միշտ որ եթէ Ս. Պատրիարքը հրաժարած չըլլար, գոնէ տասը քսան հայ եւս պիտի կախուէին անվրէպ Այս մասին աւելի համոզիչ հրապարակային բացատրութիւններ տալ անօգուտ կը համարիմ։)

Այս նոր աղանդին նուիրագործման իբր սկզբնաւորութիւն՝ Աղգային Ժողովը որոշեց որ կառավարութեան հետ Ատանայի վերաբերեալ բանակցութիւնք միայն Կոռնական Ժողովով երկու անդամներէ, Բիւզանդ Քէշեան էֆէնտիէ և ինձմէ բաղկացեալ քառանդամ Յանձնախումբի մը յանձնուի։ Նկատելով որ ՚ի սկզբան Աղգային Ժողովն շատ միծ իմաստութեան գործ մ'ըրած էր վար-

չութեան մէջ կուսակցութեանց ներկայացուցիչներ ընտրելով, նկատելով որ փորձ հաստատած էր այն հաւատքո թէ մինչև իսկ եթէ կուսակցականաց դէմ պայքար մղել պէտք ըլլար, նախամեծար էր ներսէն պայքարիլ քան դուրսէն, նկատելով որ Աղգային Ժողովոյ որոշումը ըստ իմ կարծեաց հակասահմանադրական էր և պարզապէս Քաղաքական Ժողովոյ հաւաքական մարմնոյն դէմ անվաստահութեան բացորոշ արտայայտութիւն, (թէպէտ իմ անձին նկատմամբ պատուաբեր և իմ կողմանէ չնորհակալութեան արժանի վստահութեան ասլացոյց), պարագ համարեցի իսկոյն հրաժարիլ վերոյիշեալ մասնախուումի մասնակցութիւնէն, ինչպէս հրաժարած էր Քէշեան էֆէնտի իրն յատուկ նկատողութիւններով։ Ասով ալ չգոհանալով, հաւատարիմ մնարու համար իմ վերոյիշեալ նկատողութեանց, Քաղաքական Ժողովոյ հրաժարականին Աղգային Ժողովով թէ կազմուելով Վարչութեան մէջ պաշտօն ընդունիլ անկարեիլ է ինձ։ Այդ օրէն՝ մամուլը նախորդ հրաժարեալ Վարչութիւնը մկրտեց Տապալեալ Դահրիկեան Վարչութիւն անուամբ։

Այս նոր աղանդի արդիւնք եղող գէպքերէն բաւ է միայն յիշել Աղգին ամենացաւելի մէկ ճշնաժամուն՝ ամիսներ տեսող անիշխանութիւնն և յարաբերական կենսական ինդրոց յետաձգումը, — նոր Վարչութեան Ատենապիտի և մի քանի անդամոց հրաժարականը, — ամեն կողմ կուսակցականաց և ոչ կուսակցականաց մէջ անողոք և գայթակղալից պայքար, — քանակոծում խմբագիրներու, — արիւնանեղութիւն իղմիրի մէջ, — յարձակում Վարչութեան Ատենապիտի վրայ — վերջ ի վերջոյ Քաղաքական Ժողովոյ և Ս. Պատրիարքի պատճառաբանեալ հրաժարականք։

Հայ Աղգը ոչ միայն իր տոնմային տարեգրութեանց,

այլ Ընդհանուր Ազգաց պատմութեան մէջ աննախնթեաց աղէտներու դիւցազնաբար զիմագրելէ և իր ազգային գոյութիւնն ու նկարագիրն անվթար և անսաղարտ պահելէ յետոյ , այսօր այդ աղէտներէ աւելի աղետալի ներքին երկպառակութեանց ճգնաժամու մը մէջ կը տապլտկի . երկպառակութիւններ՝ որոնց եթէ ժամ առաջ արմատական դարման մը չփանուի , անվրէպ նուաստութիւն , այլասերում և քայքայում կ'սպառնայ Հայ ժողովրդին , և այժմ փոխանակ այս երկպառակութեանց պատճառները ուսումնասիրելու և արմատական դարման մը գտնելու , օրուան ամենէն հրատապ ինդիրն եղած է զիմանալ թէ պէտք է Քաղաքական ժողովոյ և Ս. Պատրիարքի հրաժարականը ընդունիլ թէ ոչ . մինչդեռ անհրաժեշտ էր նախ քննել այն պատճառներն՝ որք ստիպած են թէ զի՞աղաքական ժողով և թէ զՊատրիարք իրենց հրաժարականը տալու , ապա թէ ոչ միեւնոյն պատճառները պիտի ստիպեն անվրէպ յաջորդ ո՛ւ և է Վարչութիւն և Պատրիարք իրենց կարգին հրաժարելու , ամուլ փորձերէ վերջ , և խեղճ Ազգն է որ միշտ պիտի սուժէ :

Իմ համոզումն այն է թէ՝ իբր արմատական դարման այս բոլոր ազգակործան երկպառակութեանց և չարեաց , պէտք է նախ՝ Քաղաքակրթեալ Ազգաց պատմութեան մէջ Ընկերավարութեան և Յեղափոխութեան վարած դերը չգել , մեր Հայ Յեղափոխականաց և Ընկերավարականաց նկատմամբ Ազգին մէկ մասին մէջ տիրող թիւրիմացութիւնները և նախապաշարումները միանգամ ընդ միշտ փարատկու համար : Երկրորդ՝ քննել մեր Հայ Յեղափոխական և Ընկերավարական Կուսակցութեանց և ոչ-Կուսակցականներու փոխադարձ պահանջները և գանգատները : Երրորդ թէ այս փոխադարձ պահանջները և գանգատները , թէ Հայ Ազգին արդի միջավայրն և միւս բոլոր պարագաները նկատողութեան առնելով , Ազգին ստիպողա-

կան և աստիճանաբար իրականալի պէտքերուն գոհացում տրւող ազգային ընդհանուր մի ծրագիր պատրաստել , և այս ծրագրին գործադրութիւնը վարչութեան մը յանձնել որուն մէջ Կուսակցականներ եւս գտնուին և խորհրդակցին , փոխադարձ հակակշխոփ դրութեամբ :

Նախ եւ առաջ Քաղաքակրթեալ Ազգաց պատմութեան մէջ Ընկերավարութեան եւ Յեղափոխութեան դերը հեղեղ

Ընդհանուր Ազգաց պատմութիւնը կը սորվեցնէ թէ ի սկզբանէ հետէ մարդկային սեռը գլխաւորաբար երկու դասակարգէ բաղկացած է . առաջին դասակարգ մը՝ առանձնաշնորհեալ , որ աշխարհի չարժուն և անշարժ ստացուացքներուն և անոնց հայթայթած նիւթական և մտաւորական վայելքներուն ամենամեծ մասը իրեն յատկացուցած է . երկրորդ դասակարգ մը՝ ժառանգազուրկ , որուն ճակատագիրն եղած է չարաչար աշխատիլ , տառապիլ , և առաջին դասակարգին սեղանէն աւելցած փշրանքներով և սոյն դասակարգին բնական դաշնակիցն եղող կղերականներուն առաստորէն շրայբած կրօնական միմիթարութիւններով՝ այսինքն դժոխքի սպառնալիքներով զուգակշռուած արքայութեան խոստումներով գոհանալ :

Առաջին դասակարգը կաղմած է միշտ ամենաջնջին փոքրամասնութիւնն ու բաղդադմամբ երկրորդ դասակարգին որ կը ներկայացնէ ամենաստուար մեծամասնութիւնն մը : Բնական օրինաց բերմամբ , առաջին դասակարգը եղած է զիւակցաբար պահպանողական , այսինքն իր դասակարգին նկատմամբ ազատական և յառաջադիմական , և միւս դասակարգին նկատմամբ բռնապետական և յետադիմական : Երկրորդ դասակարգը բնագրիմալիք եւ անփառական գարերու շրջանին մէջ հառաչելէ դադրած չէ աղաստութեան , արդարութեան և յառաջդիմութեան ետևէ .

բայց իր տղիսութիւնը և տղիսութիւնէն անդաման եղող նախապահարումներն արգելք եղած են իր տենչանաց իրաւութման։ Փոքրամամանութիւնը ունեցած է իր կողմը նիւթական և մտաւորական ամէն առաւելութիւն։ մէծամասնութիւնը ունեցած է մի առաւելութիւն միայն, բիրտուժ։ Փոքրամամանութիւնն այս բիրտուժն ալ ճարտարութեամբ յափշտակած, կազմակերպած և նոյն ինքն միծամասնութեամբ գէմ դրծածելու յաջողած է չնորհիւ իր նիւթական և մտաւորական գերազանցութեան, չնորհիւ մանաւանդ միծամասնութեամբ անգիտակցութեան։ Ի զո՞ւր, բարձր համարի և ազնիւ սրտի տէր նշանաւոր իմաստամբներ և ընկերաբաններ քաջութիւնն և անձնուիրութիւնն ունեցած են բուռն յորդորներ կարդարու փոքրամամանութեան։ Զայն բարբառոյ յանապատի։ միծամամանութեան ստացուացքն, պատիւն և կեանքը դարերով տրամադրելի մնացած են ի հաճոյս փոքրամամանութեան։ Բարեբարդպար պարտուց և իրաւանց հասասարութեան, այսինքն Սրդարութեան սուրբ Աղին՝ բանակալութեան և անիրաւութեան գէմ մաքառելու համար ծնունդ տուած է երկու հզօր հաստատութեանց Ընկերավարութիւն և Յեղափոխութիւն։ Դարերու շրջանին մէջ, այս գերազանցորէն բարերար երկու հաստատութիւնները իրենց մզած անդադար պայքարով աճեցած, զարդացած և վերջապէս նախ Անգլիոյ յետոյ Գաղղիոյ մէջ կրցած են հիմնել Սահմանադրութիւնը։

Բայց գերազագար՝ Գաղղիոյ մէջ մանաւանդ, մի կողմանէ Ընկերավարութեան առաջնորդ ողամիտ, իմաստամէր և ընկերաբանական սկզբանց համաձայն դրծող վարիչներու շարքերուն մէջ ծայրայել և անիրականալի զաղափարներով բորբոքած տաքզուիխներ սպրդած, միւս կողմանէ Յեղափոխութեան առաջնորդ վեհոգի, անձնուէր և գիտակց հերուսներու ոազմերուն մէջ բազդախնդիր և փա-

ռամոլ ոճրագործներ խանուուած են, որոնք խուժանի ի դարուց հետէ կուտակուած ատելութիւնն և թագուն անասնական ախորժակները զրգուելու յաջողած են. և այս կերպով, ճշմարտապէս ապշեցուցիչ և վրդովիչ հակասութեամբ մը, Յեղափոխութիւնը մի կողմանէ անխափի քանդած, աւերած է անցելոյն յոռեգոյն և լաւագոյն հաստատութիւնները, դաղանալայի անդիթութեամբ նուիրագործած է ամենէն անագորոյն եղեռներն և ոճիրները, միւս կողմանէ մարդ էակին նուիրական պարտուց և իրաւանց սահմաններն անջնջելի կերպով միամնակամ ընդ միշտ զծած և համայն աշխարհի հոչակած է, հաստատելով Սահմանադրութիւնը։ Ի՞նչ վահմ նիւթ խորհրդածութեան, ի՞նչ ազգու և շնիչ դաս։ Այն յաւիտնական սկզբունքները զորս բանակութեան ձայնը, Խղճի ձայնը, արդարութեան ձայնն որ նոյն ինքն Սատուծոյ ձայնն է՝ դարերով չէին կրցած ընդունել տալ անգիտակց մէծամասնութիւնը շահագործող զիտակից փոքրամամանութեան, Յեղափոխութիւնը կրցած է հաստատել անդառնալի կերպով։ Հին և նոր աշխարհը Ընկերվարութեան և Յեղափոխութեան վեհուոյն կը պարտի իր ազատութիւնն և քաղաքակրթութիւնն, մենք ամենն Օսմաննցիքս նոյնպէս Ընկերվարութեան և Յեղափոխութեան սուրբ ովուոյն ներչնչմամբ միայն Օսմաննեան Տէրութեան կազմութենէն վեց զար վերջ կրցանք Սպատութեան, Սրդարութեան և Հաւասարութեան տիրանալ. միով բանիւ Ընկերվարութիւնն և Յեղափոխութիւնն միայն կրցան պարգեւել մարդկային սեպին Սահմանադրական դրութիւնն որ մարդկային հաստատութիւններէ անբաժան թերութիւններովն հանդերձ՝ ոչ միայն ընդհանուր քաղաքակրթութեան, ազատութեան և արդարութեան միակ պայմանն ընդունուած և հոչակուած են տիեզերաբար, այլ և դարուս ամենէն լուրջ, ամենէն չափաւոր ընկերաբաններն եւ խմաստաէրներն

անդամ համաձայն են թէ Յեղափոխութիւնը իր նուիրական և ճակատազբական դերը դեռ աւարտած չէ նոյն ինքն քաղաքակրթեալ հին և նոր աշխարհի մէջ։ Այս ճշմարտութիւնն պէտք է ամեն վարկեան ներկայ ըլլայ ամեն անոնց մտաց առջև՝ որոնք ազգի մը կամ պետութեան մը համրային գործերը վարելու կոչուած են։

Սահմանադրութիւնը հիմնարկող Ընկերվարութեան և Յեղափոխութեան բուն նպատակն էր մամուլի, հրապարակախօսութեանց և կրթութեան ազատութեան չնորհիւ, մեծամանութիւնը կատարելապէս գիտակից ընել իր պարտուց և իրաւանց, և ի վիճակի դնել զայն օրինաւոր միջոցներով և հաւասար գեներով պաշտպանելու իր իրաւոնքը փոքրամանութեան մեքենայութեանց և նիւթական և մտաւորական առաւելութեանց դէմ։ բայց ափսո՞ս որ Ընկերվարութեան և Յեղափոխութեան կողմանէ իրեն յանձնուած սոյն առաքելական սուրբ դերն լիովին կատարելու կարող չէ եղած Սահմանադրութիւնը, քանզի իր այս նուիրական պաշտօնի կատարման մէջ բնութեան մի անողոք օրէնքին բաղխած է, այն է թէ մարդ էակն այն ատեն միայն կամովին կը յարգէ իր ընկերին իրաւոնքն՝ երբ այս վերջինն գիտակից է իր իրաւանց և գիտէ ի հարկին զայնս պաշտպանել և գործադրել տալ օրինաւոր միջոցներով։ Այո՛, Սահմանադրութիւնը պարտուց և իրաւանց սահմանը գծած և զայնս գործադրելու օրինաւոր միջոցները ճշդած է, բայց չէ կրցած և չէր կրնար մեծամանութեան ներշնչել միանգամայն իր իրաւանց ըմբռնումը և զայնս գործադրել տալու օրինաւոր միջոցներու գիտակցութիւնը, առանց որոյ Սահմանադրութիւն, արդարութիւն և ազատութիւն լոկ մեռեալ տառեր են։ Սահմանադրութեան հիմն եղող մեծամասնութեան ձայնը այն ատեն միայն ճշմարտօքէն օրինաւոր է, երբ այդ

մեծամասնութիւնը իր պարտուց և իրաւանց կատարեալ գիտակցութեան տիրացած է, ապա թէ ոչ այդ մեծամասնութիւնը արուեստական է և խարդախեալ։ Ո՞վ կրնայ ուրանալ թէ, օրինակի համար, Հայ Սահմանադրութիւնը կէս գարու շրջանի մը մէջ ճիշտ մեծամասնութեան անգիտակցութեան պատճառաւ՝ ոչ ժողովրդին ամենակենսական պահանջներուն կրցած է գոհացում տալ և ոչ մանաւանդ գայթակղեցուցիչ զեղծումներու առաջքն առնուլ մինչեւ այսօր։ Ներ տես որ, մեծամասնութեան կատարեալ գիտակցութիւնը մի միայն առանցնաշնորհեալ փոքրամանութեան խղճամիտ աջակցութեան և իմաստուն առաջնորդութեան չնորհիւ կրնայ սկսիլ և իրականանալ։ Փոքրամանութիւնը որ այս ճշմարտութեան քաջ տեղեակ է, Սահմանադրութեան այս թերութիւնն ամենաճարտար կերպով շահագործելու աշխատած է միշտ և շատ անգամ յաջողած։ Նկատենով որ Սահմանադրութեան հիմը ձայնից մեծամասնութիւնն է, Սահմանադրական ընտրութեանց ժամանակ իր նիւթական և մտաւորական առաւելութիւններէն և մեծամասնութեան անգիտակցութենէն օգտուելով՝ փոքրամանութեան համակիրներ ընտրել կուտայ և այսպէս՝ մեծամասնութեան ընտրական թանկագին իրաւունքը նոյն մեծամասնութեան իրաւանց ըսնաբարման կը գործածէ մեծ յաջողութեամբ, և նորա անգիտակցութիւնը յաւերժացնելու կարող կը հանգիսանայ։ Մինչեւ իսկ այն երեք զօրութիւնները՝ որոնց վրայ Ընկերավարութիւնը և Յեղափոխութիւնը իրենց բոլոր յօյն դրած էին, այսինքն մամուլի, հրապարակախօսութեան և կրթութեան ազատութիւնը՝ անխղճօրէն շահագործուած է յօդուտ փոքրամանութեան։

Ահա ա՛ստ կը կայանայ Սահմանադրական դրութեան էական թերութիւնը, թերութիւն մը՝ զոր Ընկերավան-

ներ Սահմանադրութեան սեղանաբեկութիւնը պանդը-
ռութը յորջորջելու չափ յառաջ գացած են, յայտարա-
րելով միանդամայն թէ դժբաղդատաբար Սահմանա-
դրութեան տեղն բռնող ուրիշ հաստատութիւն մը դեռ
գտնուած չէ:

Ընկերավարութիւնը և Յեղափոխութիւնը տեսնելով
որ Սահմանադրութեան հոչակմամբ իրենց նույիրական
գերը լրացած չկընար համարուիլ, կը ծառանան կրկին
փոքրամասնութեան դէմ և հաշիւ կը պահանջեն իրմէ:
Այս խուլ և բուռն պայցքարն է որ այսօր հին և նոր
աշխարհի բոլոր Սահմանադրական պետութեանց մէջ
օրուան ամենահրատապ խնդիրն եղած է: Բայց ինչ որ
գերազանցօրէն ցաւալի է՝ այն է թէ անիրականալի
իշձերով ուռեցած ցնորամիտներու և ամէնէն նույիրա-
կան հաստատութիւնները քանդելու, կործանելու տեն-
չով վարակուած անիշխանականներու և պաշը-պօղուդ-
ներու հրոսակումբ մը Ընկերավարութեան և Յեղափո-
խութեան կանոնաւոր շարքերուն խառնուելով՝ կը վար-
կարելեն նոցա արդար դատը և ազնիւ նպատակը.
փոքրամասնութիւնը այս կերպով առիթ կ'ունենայ
դիմումնաւոր նենդամութեամբ շփոթելու լուրջ և
անկեղծ Ընկերավարականները և Յեղափոխականները
ցնորամիտ և ասպատակող անիշխանականներու հետ:

Այսօր բոլոր քաղաքակրթեալ Ազգերն ընկերավարու-
թիւնը իրը հանրային օգտին ծառայող հաստատութիւն
ճանչցած են տեսականապէս և գործնականապէս, պայ-
մանաւ որ ընկերավարութեան նսգատակն ըլլայ 1. Հո-
ղատիրութեան իրաւանց աստիճանաբար կարելի եղածին
չափ բազմաթիւ ձեռքերու մէջ ցրուիլը՝ փոխանակ սա-
կաւալի՛ ձեռաց մէջ իրը մնանանորհ կաշկանդուելու.
2. Կարելի եղածին չափ բաղմաթիւ անհատներու հնա-
րաւորութիւն ընծայել իր աշխատութեամբ բաժին ստա-

նալու դրամագլխի և կալուածատիրութեան մէջ, այնպէս
որ ամեն աշխատող, ամեն գործաւոր յոյս և միջոց ու-
նենայ աշխատութեամբ և խնայողութեամբ և մանաւանդ
գործակցական (գօօբէութիվ) դրութեամբ որ մը ինքն
ալ իր կարգին դրամատէր և կամ բաթոն և կամ շա-
հակից ըլլալու. 3. Անիրականալի և ցնորամիտ գաղա-
փարներով վարակեալ այսահարներ մուտ չգտնան ընկե-
րավարականներու շարքերուն մէջ: Արդ՝ առողջ մտքի
և զգայուն սրտի տէր անձ մը կրնայ երեւակայուիլ որ
այս պայմաններով Ընկերավարութեան համակիր և կու-
սակից ըլլայ:

Գալով Յեղափոխութեան. բոլոր քաղակրթեալ ազ-
գերն զայն կ'ընդունին իրը հանրային օգտին ծառայող
բարերար կազմակերպութիւն մը, երբ երկրի մը մէջ կը
տիրէ բացարձակ բռնակետութիւն, անիրաւութիւն,
անհաւասարութիւն, յափշտակութիւն և ոճրագործու-
թիւն, երբ օրինաւոր ամեն միջոցները անօգուտ տեղը
սպառելէ վերջ, հասարակաց կարծիքը համօգում կը գո-
յացնէ թէ բռնի ուժի դիմելէ զատ փրկութեան յոյս չէ
մնացած, ըստ քրիստոնէական վարդապետութեան թէ՝
որ ոչն լուիցէ ունկամբ, տան նմա լսել թիկամբք: Վկայ
այս ծամարտութեան անցելոյն մէջ Անգլիոյ և Գաղղիոյ
և ներկայի մէջ Տաճկաստանի և Բօրթուգալի Յեղափո-
խութիւնները որոնք սկզբմամբ և իրականօրէն փառա-
բանուեցան և պաշտօնապէս ճանչցուեցան բոլոր միւս
պետութեանց կողմանէ: Իսկ երբ Յեղափոխութիւնը
վերցիշեալ պայմաններէն գուրկ է, այն ատեն իրը ան-
իշխանականութիւն կը դատապարտուի և կը հալածուի
ամենէն ազատասէր և լուսաւորեալ Տէրութեանց կող-
մանէ իսկ:

Քաղաքակրթեալ աշխարհի մէջ Ընկերավարութեան
և Յեղափոխութեան կատարած և կատարելիք նուիրական

և պատմական դերին նկատմամբ մեր պարզած տեսութիւնները մեր ազգային գործերուն պատշաճեցնելով, կը համոզուինք իսկոյն թէ կուսակցականաց և ոչ-կուսակցականաց մէջ տիրող երկպառակութեանց բուն պատճառը անձերու խնդիր չէ, այլ հիմնական սկզբունքներու խնդիր է:

Կը համոզուինք նոյնպէս թէ ճշմարիտ Հայ Ընկերավարականք և Յեղափոխականք պէտք է յարգուին իբր Հայ Ազգին անձնուեր բարերարներ և ոչ թէ մարդկային սեռէ դուրս ճիւաղային էակներ, ինչպէս կ'երեւակայեն խել մը միամիտներ և հաւատացնել կ'ուզեն խումբ մը չարամիտներ:

Քննենք այժմ մեր Հայ Յեղափոխական եւ Ընկերավարական կուսակցութիւններու եւ ոչ Կուսակցականներու փոխադարձ պահանջներն եւ գանգատները

Ոչ-կուսակցականք կ'ըսեն կուսակցութեանց.

«Օսմանեան և Հայ Սահմանադրութեան վերահաստատուելէն անմիջապէս վերջ՝ մենք ձեր վերադարձը ողջունեցինք և տօնեցինք ամենամեծ խանդալառութեամբ և անկեղծութեամբ՝ յուսալով որ դուք ձեր յեղափոխական դրոշը պիտի ծալէք և մեղ հետ Սահմանադրական միջոցներով պիտի աշխատիք Ազգին աղէտները դարմանելու. բայց շատ չանցած՝ տեսանք որ ձեր գործերն կ'ապացուցանեն թէ դուք օրինաբեր և բարեշրջութեան օրինաց համաձայն յառաջդիմութեան համակիր ճշմարիտ ընկերավարութիւն չէ որ կը դաւանիք և կը քարոզէք, այլ երազատես գոմինիսթներու և անսառչիսթներու անիրականալի ցնորքները և մանաւանդ անոնց յատուկ սպառնական և բռնի միջոցները որդեգրած էք: Եւ որովհետեւ այս ցնորական դադա-

փարներու գլխաւոր արգելքներն են Հայ ժողովրդին կրօնասիրութիւնը, օրինապահութիւնը, ընտանեկան կեանքի մաքրութիւնը, ծնողական հսազանդութիւնը, նամանաւանդ աղդասիրութիւնը, ձեռնարկած էք սպառնալեր և ի հարկին բռնի ուժով այս արգելքները վերցնել: Բայց որ աւելի ծանր է, ըստ որում դուք միծաւ մասամբ դրամ շահելու օրինաւոր զբաղմունքներէն գուրկ էք, մէկ կողմէն դրամաշորթութեամբ կ'ուզէք ճարել ձեր նպատակներուն իրականացման անհրաժեշտ եղող նիւթական միջոցները, և միւս կողմանէ աղդային բոլոր պաշտօնները կուզէք ձեր ձեռքն անցնել՝ ձեր ուղած եղանակաւ և միջոցներով շահագործելու համար Ազգին եկամուտները:

«Հայ Ազգին կրօնասիրութիւնը քայքայելու համար, կուզէք կրօնքի վրայ յարձակիլ նոյն ինքն իր նուիրական տաճարին մէջ, ինչպէս ժամանակին զօրապետ մը խրատած էր յարձակիլ Հռովմայեցոց վրայ նոյն ինքն Հռովմի մէջ: Զեր արբանեակներն և առաքեալներն կրօնքը կը ծաղրեն և խեղճ Հայ ժողովրդին ամէնչն նուիրական զգացումները կը վիրաւորեն, միրտը կը թունաւորեն և միտքը կը պղտորեն, որով Հայ ժողովրդին ծոցը սկսած է ածիլ և բազմանալ անսանձ անառջիսթներու սերունդ մը որ կ'սպառնայ ահեղ վտանգ մ'ըլլալ Ազգին գլմուն, վտանգ մը որ ապագային կրնայ մոռցնել տալ նոյն իսկ ջարդերն: Հայ ժողովրդին օրինաւորութիւնը քայքայելու համար Սահմանադրութիւնը կը հոչակէք հինցած ծթուած օրէնք մը որ մեծ-էֆէնտիներու համար շինուած շտկուած է ժողովրդին անգիտակցութիւնը շահագործելու նենդաւոր յետին նպատակաւ. հետեւաբար իբր Սահմանադրական փաստ, սօփա և բէվօլվէէր գործածելն ձեզ սկզբունք ըրած էք: Ազգային հաստատութեանց վրայ կը յարձա-



կիք և ի հարկին կը քանդէք ու կը յափշտակէք և երբ հասարակաց կարծիքը և օրինաւոր իշխանութիւնք հրապարակաւ կը պախարակեն այդ արարքն և իրենց զգուանքն կը յատնեն, կամ բացարձակ ճշմարտութիւնները կ'ուրանաք և կամ կը յայտարձէք թէ այդ գարշելի արարքներուն հեղինակները կուսակցականներ չեն այլ օտար և անծանօթ անհատներ և կամ առ առաւելն համակիրներ. և փոխանակ իրը յեղափոխական և ընկերավարական դործող այդ համակիրներու և օտար անհատներու պատիմն պահանջներու, անոնց շահատակութիւնները իրը ժողովրդին արդար զայրոյթին մի պերճախօս արտայայտութիւնը կը հոչակէք և կը փառաբանէք, խել մը մնուարի իմաստակութեանց վրայ հիմնուելով :

«Հայ ժողովրդի ընտանեկան կեանքի մաքրութիւնը քայքայելու համար, ամուսնութիւնը բանականութեան և ընական օրինաց հակառակ հին օրինի հաստատութիւն մը կը հոչակէք և աղտօտ մէր կը քարոզէք. ծնողական հնագանդութիւնը ջնջելու համար, երիտասարդ մանկը տոյն կուսուցանէք թէ ծնողք իրենց մեյքին համար եղած են հայր և մայր, և հետեւաբար ամեննեւին իրաւունք չունին պահանջնելու իրենց զաւակներէն հնագանդութիւն, յարդանք և մէր :

«Հայ ժողովրդին ազգասիրութիւնը քայքայելու համար աշխարհաքաղաքացիութիւն (cosmopolitisme) կը քարոզէք և այս ամենուն մէջ կը մոռնաք թէ մարդկային սեւին յառաջդիմութիւնը մի միայն բարեշրջութեան անդիմադրելի օրինաց համաձայն աստիճանաբար կընայ իրականանալ և ոչ թէ սօփայով, բէվօլվէրով և կամ պօմպայով : Բայց ինչ որ ձեր ծրագրին ամենէն դժոխային մի մասն կը կազմէ, այն է թէ՝ դուք ձեր այս բոլոր ցնորական և անիրականալի վարդապետութեանց և քարոզութեանց մահացուցիչ թոյնն Հայ երիտասար-

դութեան և մինչև իսկ Հայ մանկաւոյն անմեղ և անարատ բայց միանգամայն դիւրազգած և դիւրազգիու սրտին վրայ կը թափէք և այս նպատակաւ նախնական դպրոցներէն կակիք Հայ մանկաւոյն սորվեցնել անհնագանդութիւն և ըմբուսութիւն, և մինչև իսկ բռնի ուժի գանդութիւն և սորվեցներուն և տնօրէններուն դէմ, կիրառում իր դաստիարակներուն և տնօրէններուն դէմ, մոռնալով թէ այս զրութեամբ կապականէք Հայ նորածիլ սերունդն և Ալգին միակ յօյն և միսիթարութիւնը կոչնչացնէք: Բայց զգոյշ կեցէք, որովհետեւ ա'լ Հայ Ալգը քաջ գիտակից է սպառնացող վտանգին եւ ի վիճակի է զինքը պաշտպանելու թէ իր սեպհական զաւակաց և թէ մանաւանդ Օսմաննեան Ոստիկանութեան ուժով ։»

Առ այս կուսակցութիւնք կը պատասխաննեն ոչ-կուսակցականաց՝ բռուն դայրութով .

«Մեծ-ազգութեան անիծեալ ողին ինչ ապշեցուցիչ համեմատութեամբ ապականած և կուրացուցած է ձեր սիրան ու միտքն որ կը յանդգնիք այս աստիճան խեղաթիւրել դէպքերը և ծամարառութիւնները: Կուսակցականաց ծրագրին որ մասին մէջ տեսաք թէ մենք անկրօնութիւն կը քարոզենք, ուր իմացաք որ յանուն կուսակցութեան խօսող բնիմախօս մը անաստուածութիւն քարոզեր այլ կղերին մէկ մասին զեղծումները, խայտառակութիւններն և յափշտակութիւններն կը ձագկենք և իրենցմէ հաչիւ կը պահանջնենք. Հայ կղերին մէկ մասը որ Զեր մեծ-աղաներու բնական դաշնակիցն է, ժողովրդին կուզէ սորվեցնել մի միայն իր պարտքը կատարել, բայց երբէք չզիջանիր անոր սովորեցնելու իր իրաւունքն պաշտպանելու օրինաւոր միջոցները և ամէն ջանք ի գործ կը դնէ նորա անդիտակցութիւնը մշտնջենաւորելու համար՝ անհեթեթ նախապաշտպաներով և մոլեռանդ սւելորդապաշտութիւններով: Հայ կղերին այս մասը, մասնաւորա-

պէս կ'աշխատի նախապաշարել ժողովուրդը իր ճշմարիտ բարերարներուն, այսինքն նորա գիտակցութեանը համար անձնութիւրաբար աշխատողներուն դէմ. մենք այդ ջանքերն է որ կ'ուզենք ամլութեան մատնել: Մեր միակ նպատակը, մեր իտէալը ի վիճակի դնել է Հայ ժողովուրդը ծանչնալու և գործադրելու ոչ միայն իր պարտքն այլ և իր իրաւունքը:

« Եկեղեցիներու մէջ ժողովրդին խօսելու մեր պահանջին գալով, քանի որ մենք համոզուած ենք թէ ժողովրդին կենսական շահուց և օգտին համար է որ կը խօսինք. քանի որ մեր նպատակն է ոչ թէ անսատուածութիւն քարոզել նոյն ինքն եկեղեցին մէջ, ինչպէս նենգամտութեամբ և վատարաբ կը զրպարտէք մեզ, այլ մի միայն ժողովրդին միտքը լուսաւորել՝ իրեն սովորեցնելով իր իրաւանց պաշտպանութեան եղանակը. քանի որ մեր զուտ ժողովրդական Հայ եկեղեցւոյն դարաւոր աւանդութիւնները կը վկային թէ Հայ եկեղեցին ոչ միայն ժողովրդին հոգւոյն փրկութեան այլ նաև նորա երկրային երջանկութեամ նպաստող քարոզներ և ծանուցումներ լսելու յատուկ տաճար մ'է, և Հայ ժողովուրդը իւր եկեղեցին ի վաղուց հետէ այսպէս ճանչցած է, և այս տրամադրութեամբ միշտ եկեղեցի գացած է և կ'երթայ, ինչո՞ւ համար մենք այս տրամադրութենէն օգուտ չքաղենք և ժողովրդին պատկանող եկեղեցին մէջ ժողովրդին կենսական շահերն ապահովցնող տնտեսագիտական, մտաւորական և բարոյական դասեր և խրամներ տալու չջանանք: Ով կ'արդիէ Զեղ մեր օրինակին հետեւելէ և Զեր սեպհական տեսութիւնները և սկզբունքները եկեղեցին մէջ ժողովրդին սովորեցնելէ: Եկեղեցին աղօթատեղի է, կ'ըսէք և միայն աղօթքի համար պէտք է բացուի ժողովրդեան, բայց մենք երբ եկեղեցական արարողութեանց ժամա-

նակ աղօթքները խափանել փորձեցինք. մենք միշտ արարողութեանց աւարտելէն վերջ և շատ անգամ ալ բոլորովին տարբեր ժամանակ ուղած ենք խօսիլ ժողովրդեան: Եթէ եկեղեցին մի միայն աղօթատեղի է, ինչո՞ւ վարդապետներ քահանաներ քարոզներ կը խօսին և ծանուցումներ կ'ընեն արարողութիւնները և աղօթքները չնեղմիջեղով և հոգւոյ փրկութեան հետ մօտէն հեռուէն կապակցութիւն չունեցող խրամներ և յորդորներ կը կարդան ժողովրդին ըստ դարաւոր աւանդութեանց Հայ եկեղեցւոյն: Եթէ եկեղեցւոյ մէջ աղօթքէ և զուտ հոգեւոր քարոզէ զատ ո՛և է խօսքով զբաղել սրբապլղծութիւն է, ինչպէս կը համարձակին մաս մը Զեզ դաշնակից քարոզիչներ Սեղանին բարձրէն զրպարտութիւններ և թշնամական ակնարկութիւններ տեղալ ոչ միայն կուսակցականաց, այլ նաև ոչ-կուսակցական ուղղափառ թաղականաց և կամ ուրիշ անձնական հակառակորդաց հասցէին: Այսօր ամենէն լուսաւորեալ և ամենէն բարեպաշտ և կրօնասէր ազգերն անգամ ընդունած են թէ Կրօնքն և եկեղեցին ալ կը պարտին հպատակիլ բարեշրջման օրինաց և հետեւաբար եկեղեցին նուիրական պարտքն է իր վարդապետութիւնները և քարոզութիւնները ընկերական գիտութեանց տիեզերաբար ընդունուած վարդապետութեանց պատշաճեցնել, և սովորեցնել ժողովրդին ոչ միայն իր պարտքերն առ Աստուած այլ նաև իր քաղաքացիական պարտքերն և իրաւունքն հանդէպ իւր Ազգին և կառավարութեան: Արդ եթէ եկեղեցին մի միայն զուտ հոգեւոր քարոզներու սահմանուած է, ո՞ւր պիտի տրուին այս կրօնական և աշխարհական բարեխառն քարոզները:

« Կըսէք թէ մենք Սահմանադրութիւնը չենք ուզեր ճանչնալ իբր օրէնք. Մենք Սահմանադրութիւնը Զենէ լաւ կը ճանչնանք և կը յարգենք. միայն կը պնդենք

թէ Սահմանադրութիւնը առանց ժողովրդին կատարեալ գիտակցութեան չկրնար ժողովրդին փրկութեան ծառայել, այլ ընդհակառակն առանձնաշնորհեալ փոքրամասնութեան ձեռքը՝ ժողովուրդը շահագործելու օրինաւոր միջոց մը կը դառնայ արուեստական մեծամասնութիւններ կազմակերպելով։ Այս ճշմարտութեան փա՞ստ կ'ուզէք. կէս դարձ ի վեր հաստատուած է Հայ Սահմանադրութիւնը և միշտ օրինաւոր մեծամասնութեամբ վարուած են Աղջին վարչական գործերն, ինչո՞ւ այդ օրինաւոր մեծամասնութիւններ չկրցաւ և չուզեց ոչ-կուսակցական աշխարհականներու և կղերականներու յափշտակութեանց, խայտառակութեանց և անթիւ անհամար զեղծմանց վերջ տալ մինչեւ ցայսօր։

«Մեզ կ'ամբաստանէք թէ օրինական և սահմանադրական միջոցներու տեղ գաւազան և զէնք կը գործածենք, և անիրականալի գաղափարներ կ'ուզենք իրականացնել։ Կուսակցականներն և ոչ-կուսակցականները միեւնոյն բարոյական մակարդակն ունեցող Հայ Աղջին զաւակներն են. քանի որ ոչ-կուսակցականաց մէջ ծայրայեղ, մոլեռանդ, ոճրագործ և անբարոյական անհատներ անպակաս են, կարելի՞ է որ ատոնցմէ մի քանին կուսակցականաց մէջ սպրդած չըլլան. ոչ-կուսակցականաց մէջ ծայրայեղներ, մոլեռանդներ, ևալլն գտնուելու պարագան ընդհանրացներով՝ բոլոր ոչ կուսակցականները միեւնոյն մակդիրներով չէք յորջորջեր, ինչ խղճով բոլոր կուսակցութիւնները ծայրայեղ, մոլեռանդ ևալլն կ'անուանէք։

«Կ'ըսէք թէ մենք ժողովրդին և մինչեւ իսկ դպրոցական մանկատոյն օրէնքի և կարգապահութեան ոչմ ըմբոստութիւն կը սովորեցնենք։ Մեր կուսակցութիւնը ամենախիստ կանոններով և կարգապահութեամբ միայն կրնան իրենց գոյութիւնը պահպանել, ի՞նչպէս կրնան

ըմբոստութիւն քարոզել ժողովրդին առանց մտածելու թէ օր մը այդ ժողովուրդը միեւնոյն ըմբոստութեան կը դիմէ կուսակցութեանց գէմ։ Մենք ի՞նչպէս կը համարձակինք թելադրել աշակերտաց որ իրենց ոչ-կուսակցական դասատուները և տնօրէնները քանակուծեն կամ բոնութեամբ դպրոցէն դուրս վտարէն՝ առանց խորհելու թէ միեւնոյն վարժունքը անվրէպ կ'ունենան օր մը իրենց կուսակցական դասատուաց և կամ տնօրէնին դէմ։

«Կ'ըսէք թէ մենք ժողովրդին ազգասիրական ոգին թունաւորել և ոչնչացնել կ'ուզենք, աշխարհաքաղաքացիութիւն քարոզելով. հոս ա՛լ յայտնի կ'երեւայ ձեր անգիտակցութիւնը կամ ճշմարտութիւնը խեղաթիւրելու անյագ տէնջը։ Մենք կը դաւանինք թէ Ընկերավարութիւնը և Յեղափոխութիւնը Աղջի մը յատուկ հաստատութիւններ չեն, այլ միջազգային կամ համաշխարհային հանգամանք մ'ունին. քանզի աշխարհի ամեն մասերուն, ամեն աղքերուն մէջ առանձնաշնորհեալ փոքրամասնութիւն մը ժողովուրդին մեծամասնութիւնը կը շահագործէ նորա անգիտակցութենէն օգտուելով, թէ իւրաքանչիւր ժողովուրդ իր աղքն սիրելով և պաշտելով հանդերձ, կը պարտի շահակից, աշակից և հետաքրքիր ըլլալ ամեն աղքի ժողովրդեան օրինաւոր ընկերավարական պահանջմանց։ Այս գիտակցութիւնը ոչ թէ ժողովրդի մը աղքամիրութիւնը կը տկարացնէ այլ աւելի կ'ամրապնդէ։ Զէք ընդունիր իմաստասէրին այն խրատն թէ անհատն կը պարտի սիրել իր ընտանիքը իր անձէն, իր աղքը իր ընտանիքէն և մարդկային սեռը իր աղքէն աւելի։ Ո՞վ Կ'ըսէ թէ միոյն սէրը՝ միւսներուն սէրը կ'արտաքսէ։

«Բայց Զեր ամենամեծ ամբաստանութիւնը կը կայանայ սա նկատողութեան մէջ թէ մենք մեր դժոխային վարդապետութիւններով մասնաւորապէս կը միտինք

թունաւորել Հայ մանկտոյն և երիտասարդութեան սիրտն և խռովել միտքն։ Բայց ո՞վ ըստ Ձեզ թէ մեր վարդապետութիւններն թունաւորիչ են։ Մենք համոզուած ենք ընդհակառակը թէ յետադիմական մեծ-աղաներն են որ Հայ Սահմանադրութենէն առաջ և վերջը թունաւորած են խեղճ հայ ժողովրդին սիրտն և միտքը, նախապաշարումներով և աւելորդապաշտութիւններով բեռնաւորելով զայնս, և ամեն սահմանադրական և հակասահմանադրական միջոցներով ժողովուրդը իր իրաւանց գիտակցութեան տիրանալէ արգիլերով։ Մենք կը հաւատանք ամենայն ջերմեռանդութեամբ և անկեղծութեամբ թէ մեր վարդապետութիւնք ժողովրդին թունաւորեալ սրտին համար փրկարար թունաթափներ են, և այս հաւատաքով է որ կ'ուզենք մանաւանդ Հայ Ազգին ապագան ապահովելու և բարելաւելու սահմանուած մեր ամենասիրելի հայ երիտասարդութեան մասնաւորապէս քարոզել մեր վարդապետութիւնները։ Իբր եզրակացութիւն, կ'ազդարաբենք ուրեմն ձեզ, համայն յետադիմական մեծ-աղաներու թէ ձեր դաւանած սահմանադրական օրինաւոր միջոցներով Հայ ժողովրդին տգիտութիւնը շահագործելու և ժողովրդեան բարերարներուն ձայնը լուեցնելու ժամանակը շատո՞նց անցած է։ Հին և նոր աշխարհի քաղաքակրթեալ ազգաց ընդունած տնտեսագիտական և ընկերվարական սկզբանց համաձայն պէտք է բաւարարութիւն տալ ժողովրդին օրինաւոր պահմանըներուն և ամեն տեսակ զեղծմանց առաջքն առնուլ։ Այս ազդարաբութիւնը պէտք է լուրջ նկատողութեան առնուք, ապա թէ ոչ ինչ որ դուք ձեր կամքով ընել չպիտի ուզէք, շահագործեալ և հարստահարեալ ժողովրդին գիտակից անշիմադրելի կամքը, ձեզ ընել պիտի տայ կամայ, ակամայ։»

Այսպէս կուսակցականք և ոչ-կուսակցականք կը պատեն իրենց փոխադարձ գանգատներուն և պահանջներուն վրայ բռնի ուժի սպառնալիքներով։ Իզմիրի գէպքն ապացոյց մէկ թէ բռնի ուժ ըսկող, մինչև իսկ արիւնահեղութիւն և մահ պէտք է հասկնալ։

Թէ որոնք են այն հիմնական տրամադրութիւնները զորս կը պարտի պարունակել Ազգային ընդհանուր ծրագիր մը, զոհացում տալու համար քէ Ազգին եական պէտերուն եւ քէ կուսակցականաց եւ ոչ-կուսակցականաց իրաւացի եւ իրականալի փոխադարձ պահանջներուն։

Առաջին. Կուսակցական և ոչ-կուսացականներու մէջ կատարեալ համերաշխութիւն որուն էական և անհրաժեշտ պայմաններն են։ (Ա) Կուսակցութեանց անցելոյն մէջ ունեցած գործունէութեան Հայ Ազգին օգտակար կամ մնասակար եղած ըլլալու հրատապ հարցին լուծումը պատմութեան անաչառ և անկողմնակալ դատողութեան ձգել և այս հարցին նկատմամբ երկու կողմանէ եւս ո՛ և է ակնարկութիւն չընելով, կուսակցութեանց միմիայն ներկայ և ապագայ գործունէութեան խնդրով զբաղիլ։ (Բ) Ազգային ժողովներու և խորհուրդներու անդամոց ընտրութեան և ազգային պաշտօննեաններու և ուսուցիչներու անուանման ատեն՝ մի միայն արժանիքն և պարկեցառութիւնն հիմ բռնել և ամեննեւին խտրութիւն չդնել կուսակցականներու և ոչ-կուսակցականներու մէջ։ (Գ) Նկատելով որ կարծեաց փոխանակութեան և մինչև իսկ բանակութիւններու մէջ քաղաքավարութիւն և փափկանկատութիւն միայն գեղագիտական զարդեր չեն, այլ նաև անհրաժեշտ պէտքեր են, այնու զի վիրաւորիչ ակնարկութիւններ կամ նախատակից բառեր կիրքերը կը գրգռեն, դատողութիւնը կը խանգարեն և ամենէն օրինապահ և չափաւոր անձերն

անդամ՝ օրինազանցութեան և ծայրայեղութեան կը մղեն,
հարկ անհրաժեշտ է թէ մամուլի և թէ հրապարակային
վիճարանութեանց մէջ վերջին ծայր գգուշանալ անձնա-
կանութենէ և նախատավի ակնարկութիւններէ :

Երկրորդ. Հայ ուսանողաց կրթութեան և դաստիա-
րակութեան համար ժամանակին և միջավարին տնտե-
սագիտական, մտաւորական և բարոյական պահնջմանց
համաձայն կատարելագոյն մի կրթական ծրագիր մշակել և
ամենայն անաշխառութեամբ կիրարկել, որպէս զի մեր աղ-
գայինք կարող ըլլան յաջողութեամբ մրցելու օտար տար-
րերուն հետ : Այս ծրագրին պատրաստութեան ժամանակ
անհրաժեշտ է նկատողութեան առնուլ առաջնակարգ պէտք
մը, այն է սովորեցնել աշակերտաց իրենց առ Ազգն և առ
Օսմաննեան Տէրութիւնն ունեցած պարտականութիւններն
և իրաւունելերն, և մանաւանդ թէ որոնք են այն օրի-
նաւոր այսինքն սահմանադրական միջոցները որով կրնան
և կը պարտին պաշտպանել իրենց իրաւունքները, թէ իրը
Հայ թէ իրը Օսմանցի : Սովորեցնել մասնաւորապէս թէ
ազատութեան և արդարութեան գոյութիւնը՝ մի միայն
Սահմանադրական օրինաց հնազանդութեամբ և իր իրա-
ւանց գիտակցութեամբ և օրինաւորապէս պաշտպանու-
թեամբ կրնայ ապահովուիլ :

Երրորդ. Որովհետև դպրոցներն ամէնէն յառաջադէմ
երկիրներու մէջ իսկ չեն կրնար լիուլի գոհացում տալ
ժողովրդի մեծամասնութեան տնտեսագիտական, մտաւո-
րական և բարոյական պէտքերուն, դպրոցներէն դուրս ալ
վերև յիշեալ կրթական ծրագրի համաձայն գիշերային և
ցերեկային դասախոսութիւններ, գօնքէւանմներ և մի-
թինկներ կազմակերպել, մասնաւոր թերթեր հրատարակել
և ամէն կարելի միջոցներով զարգացնել և լուսաւորել

ժողովրդին սիրան և միտքն որպէսպի իր իրաւանց և
պարտականութեանց գիտակցութեան տիրանայ :

Չորրորդ. Հետեւելով ամէնէն զարգացեալ և ամենէն
կրօնասէր ազգերուն օրինակին, թէ դպրոցներու և թէ
եկեղեցիներու մէջ քարոզները և կրօնական դասախոսու-
թեանց ծրագիրը մարդկութեան արդի մտաւորական,
տնտեսագիտական և ընկերաբանական պիտոյից և պա-
հանջմանց պատշաճեցնել, փարատելով ամէն նախապա-
շագում և աւելորդապաշտութիւն և լուսաբանելով իւրա-
քանչիւր անհատի թէ առ Սաստուած թէ առ իւր անձն
թէ առ իւր Ազգն և Տէրութիւնն ունեցած պարտակա-
նութիւններն, բացատրելով մանաւանդ թէ ժողովուրդն
ինչպէս կը պարտի ճանչնալ և կատարել իր պարտակա-
նութիւնները, նոյնպէս կը պարտի ճանչնալ ևս իր իրա-
ւունքները և զանոնք պաշտպանելու օրինաւոր միջոցները .
թէ այս գիտակցութիւնը ոչ միայն քաղաքացիական և Սահ-
մանադրական՝ այլ նաև կրօնական սուրբ պարտականու-
թիւն մ'է :

Հինգերորդ. Մի կողմանէ վութոյ պնդութեամբ յօրի-
նել Հայ Ազգին շարժուն և անշարժ գոյքերուն և կալ-
ուածներուն մի բովանդակ ցուցակն և հասոյթներուն և
ծախսերուն ընդհանուր պիտուծէն և միւս կողմանէ ընդհա-
նուր Ազգային պիտուծէի օրէնք մը ծրագրել, որուն մէջ
մասնաւորապէս նկատողութեան առնուկն Ազգին բոլոր
հաստատութեանց մանաւանդ երտաւղիմայ և միւս աղ-
գապատկան վաճաքերու հասոյթից և ծախուց բարուք մա-
տակարարութիւնը, այնպէս որ ամբողջ Ազգն համոզուի
թէ այսուհետեւ ո՛ և է զեղծում չկրնար պարտիուիլ և ան-
պատիմ մնալ :

Վեցերորդ. Ազգային բոլոր պաշտօնաւուներու վարչական օրէնքները բարեփոխել և կատարելագործել ըստ եւրոպական դրութեանց և մանաւանդ աշխարհական և կրօնական պաշտօնէից նկատմամբ արևմտական մայրագործում մը (քէնսիգար) իրականացնել, առանց ո՛ և է խըսրութիւն դնելու կուսակցական և ոչ-կուսակցական, պաշտպանեալ կամ անպաշտպան, հին կամ նոր պաշտօնէից մէջ :

Եօթերորդ. Ամուսնական օրէնքն և դասավարութեան եղանակն բարեփոխել և լրացնել՝ Հայ Եկեղեցւոյ աւանդութիւնները հաշտացներով արդի բարոյական, մտաւորական և անտեսագիտական պահանջներու հետ և առ այս լուսաւորեալ Ազգաց միաձայնութեամբ ընդունած սկզբունքները առաջնորդ ունենալով :

Ութերորդ. Թէ Ազգային Տուրքի գրութիւնը բարեփոխելով և թէ հասոյթի նոր աղբիւները գտներով և մանաւանդ ազգային ընդհանուր գոյքերն և ծախքերը և հասոյթներն իմաստուն և անաշառ կերպով մատակարարելով՝ գոյանալիք արդինքն յատկացնել ամենայն արդարասիրութեամբ և անկողմնակալութեամբ Ազգին կարօտապոյն և արժանաւորագոյն դասակարգին, որպէս զի կարելի եղածին չափ կարծ ժամանակի մէջ ըստ կարելոյն բազմաթիւ ժառանգաղուրկ աշխատաւորներու առիթ և միջոց արուի գոնէ համեստ սահմաններու մէջ իրենց կարգին հողատէր, կարուածատէր, դրամատէր և կամ բաթուն կամ շահակից ըլլալու, չնորհիւ մանսաւանդ գործակցական (գօօրէուաթիվ) ընկերութեանց ծաւալման :

Ենթերորդ. Հողային և բոլոր միւս յարաքերական ինդիւններն կարելի եղածին չափ կարծ միջոցի մէջ միանգամ ընդ միշտ կարգադրել Բ. Դրան հետ Օսմանիան Սահ-

մանադրութեան հաստատած արդարութեան եւ հաւասարութիւնն անջնջելի իրաւանց համաձայն, յիշեցնելով թէ Հայ Ազգն է որ Օսմաննեան սահմանադրութեան կրկին անդամ հաստատուելին առաջ և վեցը՝ ամեն տարրէ աւելի տառապած եւ տուժած է բնակալութեան երեսէն եւ հետեւաբար ամեն տարրէ աւելի արդար և առատ հաստուցում պահանջներու իրաւունք ունի Սահմանադրական Կառավարութենէ :

Տասներորդ. Կուսակցականներու և ոչ-կուսակցականներու բացարձակ կերպով արդիել ո՛ և է կերպով ըլլառութիւն կամ զէնքի կիրարկում, ի հարկին ոստիկանութեան աջակցութեանը դիմել և օրէնքին ամբողջ խասութեամբ պատժել տալ յանդպողները, նկատերով զանոնք ոչ իր ճշմարիտ Յեղափոխութեան և Ծնկերավարութեան անձնուէր հերոսներ, այլ պարզ և գուհիկ չարագործներ :

Արդ եթէ կուսակցականք վերոյիշեալ պահանջումներու գոհացում տուող սոյն ընդհանուր ծրագրին ամսկեղծ և լիուլի գործադրութեամբ բաւականանան գոնէ յաջորդ երկամսնայ շրջանին տեւողութեամբ՝ յարգելով բարեցըութեան անողոք օրէնքներն, այն ատեն ապացուցած պիտի ըլլան անհերքելի կերպով թէ բարին աղնիւ նշանակութեամբ կատարեալ ընկերավարականներ են, և ամբողջ Հայ Ազգն իրենց համակիր և համերաշխ պիտի ըլլայ. իսկ եթէ ո՛ և է կուսակցական՝ անկրօնութիւն, աղաս սէր, բռնի ուժի կիրարկում և ազգուրացութեան իմաստով աշխարհագաղացիութիւն քարոզէն դարպոցէն և եկեղեցիէն ներս կամ դուրս, այն ատեն Ազգը զինքը պիտի նկատէ իրը վտանգաւոր եւ աղետարեր մի իւթօվիսթ :

Նոյնպէս եթէ կուսակցականներն իրենց յեղափոխական դրօշն ծալին յաջորդ երկամեայ շրջանին տեւողու-

թեամբ և օրինաւոր միջոցներով աշալուրջ հսկեն և բանիւ և գործով աջակցին վերոյիշեալ ընդհանուր ծրագրին անկեղծ գործադրութեան, այն ատեն Ազգին զիրենք պիտի նկատէ բառին աղնիւ իմաստով ճշմարփտ յեղափոխական հերոսներ, արժանի Ազգին և մարդկութեան գնահատման և յարգանաց. իսկ եթէ ո՛ և է կուսակցական բռնի ուժ եւ բռնութիւն գործածելու յանդինի, Ազգը այդպիսիները պիտի նկատէ իրը գոեհիկ ասպատակներ եւ վտանգաւոր ոճրագործներ :

Ա.լ նաեւ եթէ ոչ-կուսակցական մեծ-աղաներու, մեծ էքինտիներու եւ կղերականներու եւ մամուլի ներկայացուցիչներու մէկ որոշեալ մասը սահմանադրական մեքենայութեամբ եւ դաւադրութեամբ եւ մանաւանդ կրաւորական դիմադրութեամբ խուլ պայքար մը մղէ ժողովրդին բարեշրջական յառաջլիմութեան դէմ, երբ յաւարտ յաջորդ երկամնայ շրջանին՝ փորձը հաստատէ թէ օրինաւոր միջոցներով կարելի չէ եղած եւ չպիտի ըլլայ ժողովրդին վիճակը բարւոքել եւ զեղծումներուն առաջքն առնուլ, երբ հետեւաբար կուսակցականիք ալ եւս չկարենալով հանդուրժել Հայ ժողովրդին սոյն արգահատելի վիճակին, Յեղափոխութեան դրօշը պարզին, պարծանուք եւ գոհունակութեամբ պիտի տեսնեն թէ Հայ Ազգին ամենէն անկեղծ եւ ամենէն խալասէր եւ ողջամիտ դաւակներն պիտի համախմբին այդ դրօշին չուրջ եւ այն ատեն առանց բռնի ուժի կիրարկութեան պէտք մնալու, արմատական եւ վերջնական մաքրագործում մը պիտի կատարուի յօգուտ եւ ի փառս Հայ Ազգի եւ ժողովրդի :

Ա.մէնէն աղնիւ գաղափարի շուրջ համախմբուող կուսակցութեանց աղնիւ, անձնուէր եւ օրինասէր անդամներու շարքերուն մէջ կեղծաւոր, շահախնդիր եւ օրինազանց մղնեանդներ կը սպրզին անվրէպ: Հաւասարի եմ որ համայն ոչ-կուսակցական աղատականներու զգացմանց

հաւատարիմ թարգմանն կը լլամ յայտարարելով թէ՝ ըստ մեր համոզման կուսակցութիւնք սիրով կը մաքրագործնեն իրենց շարքերը այս կարգի վեասակար ինքնամուիմներէ, եւ ընաւ չեն հանդուրժելու որ ո՛ և է ապօրինաւոր միջոցի կիրառմամբ արատաւորուի ճշմարփտ Յեղափոխութեան եւ Ընկերավարութեան նուիրական անունը: Այս համոզմամբ է որ մենք ոչ-կուսակցական աղատականքս դիրք բռնած ենք կուսակցականաց շարքերուն քով և այս համոզման ուժով է որ անկեղծօրէն պիտի աջակցինք այն ամէն զիցայզնական և օրինապահ ջանքերուն զորս պիտի շռայլն թէ Հայ Ազգին անցեալ աղէտները դարմանելու և թէ մօտ ապագայի մէջ՝ իրենց սրտին հատորն եղող Հայ ժողովուրդը՝ իր պարտուց եւ իրաւանց կատարեալ գիտակցութեան տեսակէտով Օսմաննեան տարրերուն առաջինը հանդիսացնելու համար, զիտակցութիւն մը որ ո՛ և է ժողովրդի քաղաքակրթութեան եւ բարօրութեան միակ պայմանն է:

Կը վերջացնեմ սոյն կոչն իմուրելով պատուարժան երեափոխաններէ որ կուսակցականաց եւ ոչ-կուսակցականաց կողմանէ կարգեալ ներկայացուցիչներ քննին ուշի ուշով վերոյիշեալ Ընդհանուր Ազգային Ծրագրի ուրուագիծը եւ իրենց պատշաճ տեսած բարեփոխութեամբ հաստատեն զայն: Այս վերջնական ծրագրին համաձայնութեամբ ընդունուելէն վերջ միայն, պատկառելի Ազգային ժողովն կատարեալ գիտակցութեամբ պիտի ընտրէ նոր Վարչութեան անդամները^(*) եւ այս նոր Վարչութիւնը պիտի կրնայ անխափան աշխատիլ յօպւտ Ազգին. նոյն պիտի կրնայ անխափան աշխատիլ յօպւտ Ազգին. նոյն պիտի այս ծրագրին ընդունուելէն վերջը միայն Ազգ. Ժողէս այս ծրագրին ընդունուելէն վերջը միայն Ազգ.

(*) Այս տողերը գրուելէն վերջը, համերաշխութեան բանակցութիւնք խզուեցան և Ազգային ժողովով մեծամասնութիւնը Քաղաքական ժողովոյ հրաժարականը մերժեց:

զովը կատարեալ զիտակցութեամբ եւ խղճմտութեամբ
պիտի կրնայ որոշել թէ արդեօք իմաստութիւն եւ արդա-
րութի՞ւն է ընդունիլ Դուրեան Սրբազանի նման անբասիր
Պատրիարքի մը պատճառաբանեալ հրաժարականը որ իր
վարչական մի քանի սխալներու հակառակ՝ դարձեալ է
եւ կը մնայ, Աղջին ստուար մէկ մեծամասնութեան կար-
ծեօք, արժանաւորագոյն Նախագահն Աղջային Վարչու-
թեան եւ ամէնէն պատկառելի Պատրիարքն հանդէպ
Օսմանեան Իշխանութեան: Իսկ եթէ Դուրեան Սրբազան
անդրդուելի մնայ իր հրաժարականին մէջ եւ կամ Մեծա-
մասնութիւնը որոշէ թէ արդի պարագայից բերմամբ,
անհրաժեշտ է ընդունիլ Նորին Սրբազնութեան հրաժա-
րականը, դարձեալ այս ծրագրին ընդունուելին վերջը միայն
Աղջային Ժողովը կատարեալ զիտակցութեամբ պիտի ընտրէ
այս ծրագրին շուրջ մղուելիք սահմանադրական և կեն-
սաստու պայքարն վարելու և առաջնորդելու՝ ամենէն կա-
րող պատրիարքն: Նա մանաւանդ, այս ծրագրին շուրջ
մղուելիք պայքարն է որ, յաջորդ վարչական շրջանին
պիտի ապացուցանէ թէ՝ կուսակցականաց և ոչ-կուսակ-
ցականաց փոխադարձ պահանջներէն և գանգատներէն
որոնք իրաւացի եւ անկեղծ են, որոնք անիրաւ եւ կեղծ:
Միով բանիւ այս ծրագրին գործադրութիւնն է որ, զի-
մակները վար պիտի առնէ կամայ ակամայ, եւ մինք մին-
չեւ որ զիմակները միանգամայն ընդ միշտ վար առնուած
չտեսնանք, չպիտի կրնանք ապահով ըլլալ թէ՝ Աղջը իրօք
փրկութեան ճամբուն մէջ մտած է:



John